

Diwygiadau i Reoliad (UE) a Ddargedwir 2019/1793: Rheolaethau Swyddogol a Gynhelir ar Fwyd a Bwyd Anifeiliaid Risg Uchel a Fewnforir nad ydynt yn Dod o Anifeiliaid

Dyddiad lansio: Dydd Llun, 17 Gorffennaf 2023

Ymateb erbyn: Dydd Llun, 28 Awst 2023

I bwy y bydd yr ymgynghoriad hwn o ddiddordeb yn bennaf?

Pob busnes bwyd a bwyd anifeiliaid yng Nghymru a Lloegr, awdurdodau lleol ac awdurdodau iechyd porthladdoedd, a rhanddeiliaid eraill sydd â buddiant mewn diogelwch bwyd a bwyd anifeiliaid. Mae Safonau Bwyd yr Alban wedi lansio ymgynghoriad cyfochrog ar wahân yn yr Alban.

Pwnc yr ymgynghoriad

Ymgynghoriad ar ddiwygiadau arfaethedig ar gyfer diweddaru'r rhestrau o fewn Rheoliad (UE) a Ddargedwir 2019/1793 sy'n cymhwyso cynnydd dros dro mewn rheolaethau swyddogol ac amodau arbennig sy'n llywodraethu mynediad bwyd a bwyd anifeiliaid penodol nad ydynt yn dod o anifeiliaid i Brydain Fawr o wledydd penodol.

Diben yr ymgynghoriad

Ceisio sylwadau rhanddeiliaid ar ddiwygiadau arfaethedig ar gyfer diweddaru'r rhestrau yn yr Atodiadau i Reoliad (UE) a Ddargedwir 2019/1793 (y Rheoliad).

Sut i ymateb

Dylid ymateb i'r ymgynghoriad hwn trwy anfon neges â'r teitl 'Ymgynghoriad Rheoliad 2019/1793' i LASupportWales@food.gov.uk (yng Nghymru) neu imported.food@food.gov.uk (yn Lloegr).

Manylion yr ymgynghoriad

Cyflwyniad

Mae'r awdurdodau priodol ym Mhrydain Fawr yn gyfrifol am adolygu a diweddaru'r ddeddfwriaeth mewnfurio bwyd yn ôl yr angen. Yr awdurdodau priodol yw Gweinidogion Cymru yng Nghymru, yr Ysgrifennydd Gwladol yn Lloegr, a Gweinidogion yr Alban yn yr Alban. Mae'n ofynnol i'r awdurdod priodol adolygu'r rhestrau a nodir yn yr Atodiadau i'r Rheoliad yn rheolaidd er mwyn ystyried gwybodaeth newydd sy'n ymwneud â risgiau a diffyg cydymffurfio.

Mae'r Asiantaeth Safonau Bwyd (ASB) a Safonau Bwyd yr Alban wedi cynnal adolygiad ar y cyd o'r rhestrau yn yr Atodiadau sydd wedi'u cynnwys yn y Rheoliad. Bydd diweddaru'r rheolaethau cyfredol yn galw am osod Offeryn Statudol ym mhob gwlad (Cymru, Lloegr a'r Alban).

Cyflawnir yr adolygiad hwn trwy broses dadansoddi risg ar y cyd rhwng yr ASB a Safonau Bwyd yr Alban fel y gall Gweinidogion wneud penderfyniadau rheoli risg ar sail argymhellion yr ASB a Safonau Bwyd yr Alban.

Dylid nodi mai dim ond i Brydain Fawr ac nid Gogledd Iwerddon y bydd penderfyniadau a newidiadau i reolaethau ar fwyd a bwyd anifeiliaid a fewnforir o drydydd gwledydd yn gymwys, a hynny oherwydd y gyfraith bwyd a bwyd anifeiliaid o dan Fframwaith Windsor.

Rheolaethau cyfredol

Gellir mewnfurio'r rhan fwyaf o fwyd a bwyd anifeiliaid nad ydynt yn dod o anifeiliaid i Brydain Fawr heb reolaethau ychwanegol, uwch. Fodd bynnag, dim ond trwy Safleoedd Rheoli ar y Ffin a gymeradwywyd yn briodol y gall mewnfurion bwyd a bwyd anifeiliaid risg uwch nad ydynt yn dod o anifeiliaid o wledydd penodol ddod i mewn i'r DU lle bo rheolaethau swyddogol yn cael eu cynnal, fel archwiliadau dogfennol, adnabod, a ffisegol, gan gynnwys samplu. Ystyr cynnyrch risg uwch yw bwyd neu fwyd anifeiliaid sydd wedi'i nodi naill ai fel risg hysbys neu risg sy'n dod i'r amlwg neu oherwydd bod tystiolaeth o ddiffyg cydymffurfio difrifol a helaeth â deddfwriaeth cadwyn bwyd-amaeth y DU. Gall hyn fod oherwydd presenoldeb pathogenau, halogion, a thocsinau, gan gynnwys afflatocsinau.

Mae'r Rheoliad yn nodi yn ei Atodiadau restrau o fwyd a bwyd anifeiliaid risg uwch nad ydynt yn dod o anifeiliaid sy'n destun rheolaethau manylach wrth y ffin.

Mae llwythi bwyd a bwyd anifeiliaid a restrir yn Atodiad I i'r Rheoliad yn destun cynnydd dros dro mewn rheolaethau swyddogol mewn Safleoedd Rheoli ar y Ffin wrth fynd i mewn i Brydain Fawr trwy safleoedd rheoli.

Mae Atodiad II i'r Rheoliad yn nodi'r rhestr o lwythi bwyd a bwyd anifeiliaid o drydydd gwledydd penodol sy'n destun amodau arbennig er mwyn dod i mewn i Brydain Fawr oherwydd risg halogiad gan fycotocsinau, gan gynnwys afflatocsinau, gweddillion plaladdwyr, pentacloroffenol a diocsinau, a halogiad microbiolegol.

Mae'r bwyd a'r bwyd anifeiliaid a restrir yn Atodiad IIa wedi'u hatal rhag dod i mewn i Brydain Fawr.

Adolygiad

Roedd yr adolygiad yn dilyn y broses dadansoddi risg a sefydlwyd gan yr ASB a Safonau Bwyd yr Alban. Cafodd bwyd a bwyd anifeiliaid wedi'u mewnfurio o wledydd penodol nad ydynt yn dod o anifeiliaid eu nodi i'w hasesu gan yr ASB a Safonau Bwyd yr Alban, a hynny'n seiliedig ar wybodaeth a gasglwyd. Roedd y nwyddau hyn a fewnforiwyd yn destun asesiad o'r risgiau i ddefnyddwyr; gwnaed hyn fesul categori risg. Mae hyn yn cynnwys dadansoddiad o ddata mewnfurion

Prydain Fawr, sy'n nodi cyfanswm mewnforion o'r fath, canlyniadau samplu, nifer y llwythi y canfuwyd nad ydynt yn cydymffurfio â gofynion diogelwch bwyd a bwyd anifeiliaid Prydain Fawr, cysylltiad disgwylidig defnyddwyr â'r nwyddau, a'r risg y gallai ei pheri i iechyd defnyddwyr.

Ystyriwyd canlyniadau'r categoreiddio risg, ynghyd â gwybodaeth berthnasol arall, gan reolwyr risg yr ASB a Safonau Bwyd yr Alban a swyddogion polisi wrth wneud cynigion ar gyfer argymhellion o ran newidiadau mewn rheolaethau swyddogol. Mae'r holl **argymhellion** a gynigir wedi'u seilio ar wyddoniaeth a thystiolaeth.

Mae'r holl argymhellion wedi'u datblygu a'u hystyried drwy weithgor arbenigol pedair gwlad, yn unol â'r Fframwaith Cyffredin ar gyfer Diogelwch a Hylendid Bwyd a Bwyd Anifeiliaid, a chytunwyd arnynt gan swyddogion yng Nghymru, yr Alban, Lloegr a Gogledd Iwerddon. O dan delerau Fframwaith Windsor, o dan Gytundeb Ymadael y DU â'r UE, nodir y bydd Gogledd Iwerddon yn parhau i gymhwyso rheoliadau'r UE yn y maes hwn.

Prif argymhellion

Mae'r gweithgor arbenigol wedi gwneud cyfres o argymhellion ynghylch nwyddau yr ydym yn eu hargymell, ac sy'n galw am newidiadau i lefel y rheolaethau swyddogol ar gyfer rhai mathau o fwyd a bwyd anifeiliaid o wledydd penodol. Mae'r argymhellion i'w gweld yn yr adran 'effeithiau' yn y ddogfen hon. Pan fo'r dystiolaeth yn awgrymu nad oes angen mwy o reolaethau swyddogol ar rai nwyddau bellach oherwydd bod y risg wedi'i rheoli'n effeithiol trwy gydymffurfiaeth well, rydym yn argymell y dylai'r nwyddau hynny gael eu tynnu oddi ar y rhestrau, tra dylai'r amllder gwirio gynyddu neu leihau ar gyfer rhai nwyddau yn dibynnu ar lefel y risg a berir. Argymhellir addasiadau er mwyn adlewyrchu risgiau diogelwch bwyd a bwyd anifeiliaid, gan sicrhau bod gan ddefnyddwyr ym Mhrydain Fawr fynediad o hyd at fwyd a fewnforir sy'n ddiogel.

Rydym yn bwriadu cyflwyno'r argymhellion hyn i Weinidogion. Mae diogelwch bwyd yn fater datganoledig, a bydd y penderfyniadau'n cael eu gwneud gan Weinidogion ym mhob un o'r gwledydd datganoledig.

Unwaith y bydd Gweinidogion wedi cytuno i dderbyn ein hargymhellion, bydd angen is-ddeddfwriaeth ym mhob gwlad i ddiwygio'r Rheoliad. Y bwriad yw y bydd deddfwriaeth i weithredu canlyniad yr adolygiad hwn yn dod i rym ddechrau 2024.

Effeithiau

Mae'r argymhellion arfaethedig yn cynnwys 39 o ddiweddariadau unigol i'r rhestrau sydd wedi'u cynnwys yn Atodiadau I a II. Cânt eu hegluro yn y tabl trosodd, ac maent wedi'u crynhoi fel a ganlyn:

- Dylid tynnu dau gynnyrch o gwmpas y rheolaethau. Rydym wedi bod yn monitro lefelau cydymffurfio'r nwyddau hyn ers iddynt gael eu rhestru yn yr Atodiadau sawl blwyddyn yn ôl. Mae data a gafwyd trwy ein System Rhybuddio Cynnar (EWS) a thrwy hysbysiadau ffiniau a hysbysiadau eraill yn dangos bod lefel y risg wedi lleihau yn sylweddol. Ar sail ein hasesiad o'r data, rydym yn ystyried nad oes angen i'r rheolaethau uwch hyn fod ar waith mwyach gan ei fod yn dangos gyda lefel uchel o sicrwydd y byddai tynnu'r rheolaethau yn peri risg ddibwys i iechyd y cyhoedd.
- Dylai pedwar cynnyrch fod yn destun llai o wiriadau. Wedi i ni gynnal y lefel uchaf o reolaethau uwch ar y nwyddau hyn dros nifer o flynyddoedd, rydym wedi casglu digon o ddata i'n gwneud yn fwyfwy hyderus bod lefel y cydymffurfio yn gwella. Dylai'r cynhyrchion hyn fod yn destun y lefel hon o fonitro hyd nes y byddwn yn fodlon bod y risg a berir wedi lleihau ymhellach.
- Dylai tri chynnyrch fod yn destun rhagor o reolaethau uwch am fod gennym bryderon ynghylch y risg maen nhw'n ei pheri i iechyd y cyhoedd. Mae'r nwyddau hyn wedi bod yn destun monitro a gwyliadwriaeth yn Safleoedd Rheoli ar y Ffin Prydain Fawr dros sawl blwyddyn. Mae'r wybodaeth a gafwyd o'r rheolaethau hyn, yn ogystal â data o wledydd eraill, yn dangos nad yw lefelau diffyg cydymffurfio yn gwella. Felly, ystyrir bod rheolaethau llymach, sy'n rhoi'r pwyslais ar y wlad sy'n allforio i roi sicrwydd ynghylch y cynnyrch, yn briodol ar hyn o bryd.

- Cafodd 20 o gynhyrchion newydd eu cyflwyno, a dylent fod yn destun rheolaethau uwch oherwydd pryderon eu bod yn peri risg i iechyd y cyhoedd. Mae'r nwyddau hyn wedi'u nodi trwy EWS yn ogystal â data samplu a gwybodaeth o ffynonellau eraill. Bydd y cynhyrchion yn destun lefel gymesur o fonitro yn Safleoedd Rheoli ar y Ffin Prydain Fawr i gasglu tystiolaeth a fydd yn cael ei defnyddio i ddod i benderfyniad, sef naill ei eu tynnu o'r rheolaethau yn gyfan gwbl neu gynyddu lefel y gwiriadau a gynhelir.
- Bydd codau 'CN' deg o gynhyrchion sydd eisoes dan reolaeth yn cael eu diweddarau, gan ehangu'r ystod o nwyddau sy'n destun gwiriadau ar y ffin.

Mae'r nwyddau a restrir yn Atodiad I i'r Rheoliad yn cael eu rheoli dros dro er mwyn helpu i bennu a allai fod angen mesurau llymch yn ddiweddarach. O'r herwydd, mae unrhyw effeithiau yn debygol o fod yn rhai byrdymor. Mae'r nwyddau a restrir yn Atodiad II i'r Rheoliad yn fwy sefydlog eu natur, ond cânt eu cynnwys yn yr adolygiad a gynhelir ddwywaith y flwyddyn. Unwaith y bydd y lefel risg yn newid, bydd lefel y rheolaeth yn cael ei diwygio. Mae'r penderfyniadau ar y nwyddau a restrir yn yr Atodiadau i'r Rheoliad wedi'u seilio ar risg, ac felly maent yn ymwneud â'r wlad tarddiad benodol yn unig. Felly, gall mewnforywr y DU fewnforio o wledydd eraill ar draws y byd nad yw eu cynhyrchion wedi'u nodi fel rhai 'risg uchel' a lle nad yw rheolaethau mewnforywr uwch yn berthnasol.

Mae'n debygol y bydd costau ymgyfarwyddo nominal i awdurdodau lleol ac Awdurdodau Iechyd Porthladdoedd mewn perthynas â'r diweddariadau rheolaidd. Gellir adennill costau cynnal rheolaethau swyddogol ar y ffin trwy godi ffioedd a thaliadau. Dim ond trwy Safleoedd Rheoli ar y Ffin sydd eisoes wedi'u sefydlu ym Mhrydain Fawr y gellir mewnforywr nwyddau risg uchel.

Am y rhesymau a amlinellir, yn Lloegr, ni chynhyrchwyd asesiad effaith gan y rhagwelir y bydd yr effaith yn is na'r trothwy *de minimis* o +/- £5m o ran y gost uniongyrchol net flynyddol gyfwerth i fusnesau.

O dan god asesiad effaith rheoleiddiol Gweinidogion Cymru ar gyfer is-ddeddfwriaeth, nid oes angen Asesiad Effaith Rheoleiddiol pan fo diwygiadau ffeithiol yn cael eu gwneud i ddiweddarau is-ddeddfwriaeth ac nad ydynt yn newid y polisi (na'i effaith) mewn unrhyw

ffordd arwyddocaol na sut y caiff ei gymhwyso mewn sefyllfa benodol. Felly, nid oes Asesiad Effaith Rheoleiddiol wedi'i gynnal yng Nghymru.

Nodir y bwyd a'r bwyd anifeiliaid a restrir yn yr Atodiadau ar sail y codau o'r Dull Enwi Cyfun a'r is-adran TARIC.

Mae'r diwygiadau arfaethedig wedi'u nodi yn y tabl canlynol:

Atodiad I

Gwlad tarddiad	Bwyd a bwyd anifeiliaid (defnydd bwriadedig)	Cod CN	Is-adran TARIC	Perygl	Amllder gwiriadau ffisegol a gwiriadau adnabod (%)	Argymhelliad Rheoli Risg
Bolivia (BO)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	50%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill'.
Brasil (BR)	Cnau daear (pysgnau), mewn plisgyn (Bwyd a bwyd anifeiliaid)	1202 41 00		Afflatocsinau		Dileu
Brasil (BR)	Cnau daear (pysgnau), heb blisgyn (Bwyd a bwyd anifeiliaid)	1202 42 00		Afflatocsinau		Dileu
Brasil (BR)	Menyn pysgnau (Bwyd a bwyd anifeiliaid)	2008 11 10		Afflatocsinau		Dileu
Brasil (BR)	Cnau daear (pysgnau), wedi'u paratoi neu eu cadw fel arall (Bwyd a bwyd anifeiliaid)	2008 11 91; 2008 11 96; 2008 11 98		Afflatocsinau		Dileu
Brasil (BR)	Cacen olew a gwaddodion solet eraill, boed wedi'u malu neu ar ffurf peledi, sy'n deillio o echdynnu olew cnau daear	2305 00 00		Afflatocsinau		Dileu

	(Bwyd a bwyd anifeiliaid)					
Brasil (BR)	Blawd cnau daear (Bwyd a bwyd anifeiliaid)	ex1208 90 00	20	Afflatocsinau		Dileu
Brasil (BR)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Gweddillion plaladdwyr	20%	Cynnyrch newydd o dan y rhestr bresennol. I'w ychwanegu fel rhes o dan 'Blawd cnau daear'.
Tsieina (CN)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	10%	Cynnyrch newydd o dan y rhestr bresennol. I'w ychwanegu fel rhes o dan 'Blawd cnau daear'.
Tsieina (CN)	Pupurau Melys (<i>Capsicum annuum</i>) (Bwyd – wedi'i wasgu neu wedi'i falu)	ex 0904 22 00	11	Salmonela	10%	Lleihau amlder gwiriadau ffisegol a gwiriadau adnabod yn Atodiad I.
Colombia (CO)	Granadila a ffrwyth pasiwn (<i>Passiflora ligularis</i> a <i>Passiflora edulis</i>) (Bwyd)	ex 0810 90 20	30	Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
Ecuador (EC)	Bananas (Ffres a sych)	080390		Gweddillion plaladdwyr	5%	Ychwanegu at Atodiad I ar ôl cynnal 5% o'r gwiriadau adnabod a'r gwiriadau ffisegol.
Yr Aifft (EG)	Orenau (Bwyd – ffres neu sych)	0805 10		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
	Olew palmwydd	1511 10 90;			20%	

Ghana (GH)	(Bwyd)	1511 90 11; ex1511 90 19; 1511 90 99	90	Llifynnau Sudan		Lleihau amllder gwiriadau ffisegol a gwiriadau adnabod yn Atodiad I.
India (IN)	Coed drymffyn (Moringa oleifera) (Bwyd ffres, wedi'i oeri neu wedi'i rewi)	ex 0709 99 90 ex 0710 80 95	10 75	Gweddillion plaladdwyr	20%	Ychwanegu at Atodiad I ar ôl cynnal 20% o'r gwiriadau adnabod a'r gwiriadau ffisegol.
India (IN)	Reis (Bwyd)	1006		Afflatocsinau ac Ocratocsin A Gweddillion plaladdwyr	5%	Ychwanegu at Atodiad I ar ôl cynnal 5% o'r gwiriadau adnabod a'r gwiriadau ffisegol.
India (IN)	Sinamon a blodau coeden sinamon (Bwyd – sbeisys sych)	0906		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
India (IN)	Clofs (ffrwyth cyfan, clofs a choesyngau) (Bwyd – sbeisys sych)	0907		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
India (IN)	Nytmeg, mês a chardamoms (Bwyd – sbeisys sych)	0908		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
India (IN)	Hadau anis, badian, ffenigl, coriander, cwmin neu garwe, aeron meryw (Bwyd – sbeisys sych)	0909		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
India (IN)	Sinsir, saffrwm, tyrmerig (curcuma), teim, dail llawryf, cyrri a sbeisys eraill (Bwyd – sbeisys sych)	0910		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.

Iran (IR)	Hadau melon (Bwyd)	1207 70		Afflatocsinau	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
Kenya (KE)	Pupurau o'r genws Capsicum (ac eithrio rhai melys) (Bwyd – ffres, wedi'i oeri neu wedi'i rewi)	ex 0709 60 99 ; ex 0710 80 59	20 20	Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
Madagascar (MG)	Ffa llygatddu (Vigna unguiculata) (Bwyd)	0713 35 00		Gweddillion plaladdwyr	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
Pacistan (PK)	Reis (Bwyd)	1006		Afflatocsinau ac Ocratocsin A Gweddillion plaladdwyr	5%	Ychwanegu at Atodiad I ar ôl cynnal 5% o'r gwiriadau adnabod a'r gwiriadau ffisegol.
Pacistan (PK)	Cymysgeddau sbeisys (Bwyd)	0910 91 10; 0910 91 90		Afflatocsinau		Tynnu o Atodiad I. Gosod yn Atodiad II. Wedi'u hychwanegu at y tabl yn Atodiad II isod gyda mwy o fanylion).
Senegal (SN)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	50%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill...'
Syria (SY)	Hadau sesame (Bwyd)	1207 40 90		Salmonela	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.
Syria (SY)	Tahini a halva o hadau sesame (Bwyd)	ex 1704 90 99 ex 1806 20 95 ex 1806 9050 ex 1806 9060	12; 92 13; 93 10 1191	Salmonela	10%	Ychwanegu at Atodiad I ar ôl cynnal 10% o'r gwiriadau adnabod a'r gwiriadau ffisegol.

Gwlad Thai (TH)	Pupurau o'r rhywogaeth Capsicum (ac eithrio rhai melys) (Bwyd – ffres, wedi'i oeri neu wedi'i rewi)	ex 0709 60 99 ; ex 0710 80 59	20 20	Gweddillion plaladdwyr	50%	Cynyddu amllder gwiriadau ffisegol a gwiriadau adnabod yn Atodiad I.
Twrci (TR)	Cnau cyll (<i>Corylus sp.</i>) yn y plisgyn (Bwyd)	0802 21 00		Afflatocsinau		Dileu
Twrci (TR)	Cnau cyll (<i>Corylus sp.</i>) heb blisgyn (Bwyd)	0802 22 00		Afflatocsinau		Dileu
Twrci (TR)	Cymysgeddau o gnau neu ffrwythau sych sy'n cynnwys cnau cyll (Bwyd)	ex 0813 50 39; ex 0813 50 91; ex 0813 50 99	70 70 70	Afflatocsinau		Dileu
Twrci (TR)	Pâst cnau cyll (Bwyd)	ex 2007 10 10; ex 2007 10 99; ex 2007 99 39; ex 2007 99 50; ex 2007 99 97	70 40 05;06 33 23	Afflatocsinau		Dileu
Twrci (TR)	Cnau cyll, wedi'u paratoi neu eu cadw fel arall, gan gynnwys cymysgeddau (Bwyd)	ex 2008 19 12; ex 2008 19 19; ex 2008 19 92; ex 2008 19 95; ex 2008 19 99;	30 30 30 20 30	Afflatocsinau		Dileu

		ex2008 97 12;	15			
		ex2008 97 14;	15			
		ex2008 97 16;	15			
		ex2008 97 18;	15			
		ex2008 97 32;	15			
		ex2008 97 34;	15			
		ex2008 97 36;	15			
		ex2008 97 38;	15			
		ex2008 97 51;	15			
		ex2008 97 59;	15			
		ex2008 97 72;	15			
		ex2008 97 74;	15			
		ex2008 97 76;	15			
		ex2008 97 78;	15			
		ex2008 97 92;	15			
		ex2008 97 93;	15			
		ex2008 97 94;	15			

		ex2008 97 96;	15			
		ex2008 97 97;	15			
		ex2008 97 98	15			
Twrci (TR)	Blawd a phowdr cnau cyll (Bwyd)	ex1106 30 90	40	Afflatocsinau		Dileu
Twrci (TR)	Olew cnau cyll (Bwyd)	ex1515 90 99	20	Afflatocsinau		Dileu
Unol Daleithiau (US)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	10%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill...'
Fietnam (VN)	Pitahaya (ffrwyth y ddraig) (Bwyd – ffres neu wedi'i oeri)	ex0810 90 20	10	Gweddillion plaladdwyr	50%	Tynnu o Atodiad II a'i osod yn Atodiad I. (Nodyn yn y tabl yn Atodiad II i'w ddileu o Atodiad II er ymwybyddiaeth).

Atodiad II

Gwlad tarddiad	Bwyd a bwyd anifeiliaid (defnydd bwriadedig)	Cod CN	Is-adran TARIC	Perygl	Amllder gwiriadau ffisegol a gwiriadau adnabod (%)	Argymhelliad Rheoli Risg
Tsieina (CN)	Madarch Enoki (Bwyd)	0709 590000		Listeria	20%	Ychwanegu at Atodiad II ar ôl cynnal 20% o'r gwiriadau adnabod a'r gwiriadau ffisegol.
Yr Aifft (EG)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99	80 50	Afflatocsinau	20%	Cynnyrch newydd o dan y rhestr bresennol. I'w ychwanegu fel rhes o dan

		ex 2007 99 39	07;08			'Cacen olew a gweddillion solet eraill...'
Yr Aifft (EG)	Dail gwinwydd (Bwyd)	ex 2008 99 99	11; 19	Gweddillion plaladdwyr	20%	Ychwanegu at Atodiad II ar ôl cynnal 20% o'r gwiriadau adnabod a'r gwiriadau ffisegol.
Gambia (GM)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	50%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill...'
Ghana (GH)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	50%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill...'
India (IN)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	50%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill...'
India (IN)	Pupurau o'r rhywogaeth Capsicum (ac eithrio rhai melys) (Bwyd – ffres, wedi'i oeri neu wedi'i rewi)	ex 0709 60 99 ; ex 0710 80 59	20 20	Gweddillion plaladdwyr	20%	Cynyddu amllder gwiriadau ffisegol a gwiriadau adnabod yn Atodiad II.
India (IN)	Pupurau o'r rhywogaeth Capsicum (melys neu heblaw am rai melys) (Bwyd – wedi'i sychu, wedi'i rostio, wedi'i wasgu neu wedi'i falu)	0904 ex2005 99 10 ex2005 99 80	10; 90 94	Gweddillion plaladdwyr	20%	Ychwanegu at Atodiad II ar ôl cynnal 20% o'r gwiriadau adnabod a'r gwiriadau ffisegol.

Indonesia (ID)	Nytmeg (<i>Myristica fragrans</i>) (Bwyd – sbeisys sych)	0908 11 00; 0908 12 00		Afflatocsinau	10%	Lleihau amllder gwiriadau ffisegol a gwiriadau adnabod yn Atodiad II.
Pacistan (PK)	Cymysgeddau sbeisys (Bwyd)	0910 91 10; 0910 91 90		Afflatocsinau	10%	Tynnu o Atodiad I a'i osod yn Atodiad II. Nodyn yn y tabl blaenorol i'w dynnu o Atodiad I.
De Korea (KR)	Madarch Enoki (Bwyd)	0709590000		Listeria	20%	Ychwanegu at Atodiad II ar ôl cynnal 20% o'r gwiriadau adnabod a'r gwiriadau ffisegol.
Sudan (SD)	Pâst cnau daear (Bwyd a bwyd anifeiliaid)	ex 2007 10 10 ex 2007 10 99 ex 2007 99 39	80 50 07;08	Afflatocsinau	50%	Cynnyrch newydd o dan y rhestr bresennol. I'w ychwanegu fel rhes o dan 'Cacen olew a gweddillion solet eraill...'.
Fietnam (VN)	Pitahaya (ffrwyth y ddraig) (Bwyd – ffres neu wedi'i oeri)	ex0810 90 20	10	Gweddillion plaladdwyr		Tynnu o Atodiad II a'i osod yn Atodiad I. (Nodyn yn y tabl cyntaf i'w osod yn Atodiad I. Nodyn yma i'w dynnu o Atodiad II er ymwybyddiaeth).

- **Nodiadau:** Nodir y cynhyrchion bwyd a bwyd anifeiliaid a restrir yn Atodiadau I, II a III a'r rheolaethau swyddogol ar sail y codau o'r Dull Enwi Cyfun a'r is-adran TARIC a geir yn yr Atodiadau. Mae'r gwiriadau adnabod a'r gwiriadau ffisegol ar fwyd a bwyd anifeiliaid, gan gynnwys samplu a dadansoddi labordy, a restrir yn yr Atodiadau i'w cynnal ar amllder a nodir yn yr Atodiadau.
- Mae llwythi bwyd a bwyd anifeiliaid a restrir yn Atodiad I i'r Rheoliad yn destun cynnydd dros dro mewn rheolaethau swyddogol mewn Safleoedd Rheoli ar y Ffin wrth gyrraedd Prydain Fawr ac mewn manau rheoli. Mae Atodiad II i'r Rheoliad yn nodi'r rhestr

o lwythi bwyd a bwyd anifeiliaid o drydydd gwledydd penodol sy'n destun amodau arbennig er mwyn dod i mewn i Brydain Fawr oherwydd risg halogiad gan fycotocsinau, gan gynnwys aflatocsinau, gweddillion plaladdwyr, pentacloroffenol a diocsinau, ac oherwydd halogiad microbiolegol. Mae'r bwyd a'r bwyd anifeiliaid a restrir yn Atodiad Ila wedi'u hatal rhag dod i mewn i Brydain Fawr.

Y Broses Ymgysylltu ac Ymgynghori

Bydd yr ymgynghoriad hwn ar agor tan ddydd Llun, 28 Awst 2023. Unwaith y bydd yr ymgynghoriad wedi dod i ben, cynhelir adolygiad o'r canlyniadau a chyhoeddir adroddiad ymgynghori, gyda'n hargymhellion terfynol i'r Gweinidogion priodol.

Y cwestiynau a ofynnir yn yr ymgynghoriad hwn

1. A oes gennych chi unrhyw sylwadau ar yr argymhellion o ran gwlad tarddiad/nwyddau a gynigir i ddiweddarau'r rhestrau?
2. A ydych chi'n ymwybodol o unrhyw effeithiau y gallai'r diweddariadau arfaethedig i nwyddau eu cael sydd heb eu nodi yn yr ymgynghoriad hwn?

Ymatebion

Mae angen ymatebion erbyn 5pm ddydd Llun, 28 Awst 2023. Yn eich ymateb, nodwch a ydych yn ymateb fel unigolyn neu ar ran sefydliad neu gwmni (gan gynnwys manylion unrhyw randdeiliaid y mae eich sefydliad yn eu cynrychioli).

Anfonwch eich ymateb, gyda'r teitl 'Ymgynghoriad Rheoliad 2019/1793' i LASupportWales@food.gov.uk (Cymru) neu imported.food@food.gov.uk (Lloegr).

I gael gwybodaeth am sut mae'r ASB yn trin eich data personol, cyfeiriwch at yr [hysbysiad preifatrwydd ar gyfer Ymgynghoriadau](#).

Mwy o wybodaeth

Os oes angen y ddogfen hon arnoch chi mewn fformat haws ei ddarllen, anfonwch fanylion at y swyddog cyswllt a enwir ar gyfer ymatebion i'r ymgynghoriad hwn a bydd eich cais yn cael ei ystyried.

Mae'r ymgynghoriad hwn wedi'i baratoi yn unol ag [egwyddorion ymgynghori Llywodraeth y DU](#).

Ar ran yr Asiantaeth Safonau Bwyd, hoffwn ddiolch yn fawr i chi am gymryd rhan yn yr ymgynghoriad cyhoeddus hwn.

Yn gywir,

Olivia Citrone, Rheolwr Mewnforion ac Allforion, ASB Cymru

David Lowe, Pennaeth Strategaeth Mewnforion, ASB Lloegr

Atodiad A: Rhestr o bartion â buddiant

Archfarchnadoedd y DU

Awdurdodau Iechyd Porthladdoedd yng Nghymru a Lloegr

Awdurdodau Lleol yng Nghymru a Lloegr

Consortiwm Manwerthu Prydain

Cymdeithas Awdurdodau Iechyd Porthladdoedd (APHA)

Cynrychiolwyr Bwyd a Bwyd Anifeiliaid

Cynrychiolwyr Cynnyrch Ffres

Cynrychiolwyr Diwydiant Lletygarwch y DU

Cynrychiolwyr Mewnforwyr Bwyd Prydain

Cynrychiolwyr Siopau Cyfleustra

Grŵp Porthladdoedd Mawr y DU

Gweithredwyr Meysydd Awyr y DU

Sefydliadau Pecynnu

Which?